

苗疆屯防實錄

第三冊

苗疆屯防實錄

苗疆屯防實錄

苗疆屯防寔錄卷十三

移駐永綏廳營汛

一花園應添設總兵一員駐劄控制以重邊防也查花園為永綏咽喉重地甚屬扼要該雲南駐守備一員為永綏右營今擬添設總兵一員駐紮以資控制應將原駐花園之永綏協右營守備及右營分營各汛千總二員扣總四員外委六員額外工名兵七百五十五名一併撥歸新設花園鎮安該並將附近之保靖營改設叅將一員駐紮即將原駐保靖營遊擊一缺改為該鎮中軍遊擊撥歸花園駐紮添設都司一員在隆團駐劄將添守備一員千總二員把總二員外委四員額外四名

兵六百八十五名合原駐兵七百五十五名共兵一千
四百四十名駐扎鎮城并分安隆園等各汛今擬於花
園鎮城內駐劄總兵一員中軍遊擊一員千總一員把
總二員外委二員額外二名兵五百名又於蠟耳堡撥
駐千總一員額外一名兵六十名又於河口汛撥駐外
委一員兵二十名以上係就原該汛地酌添官兵駐劄
防守又凉水井排樓寨二處向無汛地今擬於凉水井
撥駐守備一員把總一員外委額外一名兵一百六十
名該守備卽作中營遊擊中軍守備又於排樓寨撥駐
外委一員兵四十名以上二汛係擬請新設均歸花園
鎮中軍遊擊管理隸花園鎮統轄又查隆園汛為花園


緊要門戶向該千總一員兵八十名不敷防守今擬於
該處撥駐都司一員千總一員把總一員外委一員額
外一名兵三百名該都司卽作為花園鎮右營都司又
張馬坪係通永綏要路向該塘兵十名僅足遞送公文
今擬於該處撥駐把總一員額外一名兵六十名又於
桑洞撥駐千總一員外委一員兵八十名又老旺寨撥
駐外委一員兵四十名以上係就原設汛地酌添官兵
駐劄防守又剛剛寨沙子坳二處向無汛地今擬於剛
剛寨撥駐外委一員兵二十名又於沙子坳撥駐守備
一員把總一員外委一員兵一百六十名該守備卽為
右營都司中營守備以上一汛係擬請新添均歸花園

右鎮營都司管理隸花園鎮統轄至花園汎屬內有附近
苗寨之假明齊溪擺頭冲后土坡窩郎榜排乍李梅米
糯署落剛溪洞乍木樹河鉛廠潮水溪看盤高岩十三
塘汎共計千總一員把總一員外委一員兵二百名
俱係散漫零星孤懸苗境應查照和

奏定章程概行撤出歸於花園鎮屬官兵額內分撥移駐
合併聲明

以上新設花園一鎮分營新舊營汎十一處除原
設官兵撥安外定移駐遊擊一員增添總兵一員
都司一員守備一員千總二員把總二員外委四
員額外四名兵六百八十五名合原駐兵七百五

十五名共兵一千四百四十名今隸花園鎮中營
遊擊右營都司管理仍隸花園鎮統轄此花園新
設總兵移駐遊擊並於隆團添設都司官兵數目
也



一永綏協應增兵設卡改隸花園鎮屬以資控制也查永綏城垣窄小低窪不能容駐多兵且在苗寨腹內現擬於附近緊要山梁設卡駐兵用資防守該協向係鎮算鎮統轄原設副將一員中軍都司一員守備二員千統四員把總八員外委十二員額外四名兵一千四百七十九名設立左右二營駐劄本城令安各汛今花園卽提該鎮應將原駐花園之永綏協右營守備一員及右營原設各汛千總二員把總四員外委六員額外二名兵七百五十五名一併撥歸新設花園鎮城兵額之內另行聲叙外永綏城寔在存副將一員都司一員守備一員千總二員把總四員外委六員額外二名兵七

百二十四名不足彈壓應擬添設守備一員千總一員
把總二員外委二員額外六名兵五百一十六名合原
駐兵七百二十四名共兵一千二百四十名卽將此項
官兵駐劄本營各安各汛令擬於永綏城內駐扎副將
一員都司一員千總一員把總
外委二員額外二
名兵五百名又永綏城外附近之西北山梁並滾牛坡
吉多下寨黃土坡董馬六處向無汛地今擬於永綏城
外西山梁設立營卡一座撥駐把總一員額外一名兵
八十名又於永綏城外北山梁設立營卡一座撥駐把
總一員額外一名兵八十名又於滾牛坡撥駐守備一
員把總一員外委一員額外一名兵一百六十名又於

吉多下寨撥駐外委一員兵五十名又於黃牛坡撥駐
千總一員外委一員兵六十名又於董馬撥駐把總一
員額外一名兵五十名以上俱係擬請新添又於葫蘆
坪撥駐千總一員額外一名兵六十名又於桿子坎撥
駐外委一員兵二十名又於小排吾撥駐外委一員兵
二十名又於向隸永綏之鴨保寨撥駐守備一員把總
一員外委一員額外一名兵一百六十名以上各汛俱
就原設汛地酌添官兵駐扎防守均歸永綏協中軍都
司管轄至永綏協屬內有附近苗寨之排補美排彼排
蜡勞夫岩方都廣車岩落排料長潭各坡老鉄坪略把
擺馬卡鴉有方尚盤打構泛石岩補袖望高嶺分水坎

翁公二十一塘汛共計守備一員千總二員把總三員
外委六員兵四百六十五名俱係散漫零星孤懸苗境
應查照和

奏定章程概行撤出歸於永綏協官兵額內分撥移駐
合併聲明

以上永綏一協今管新舊營汛九處除原設官兵
撥安分外是增添守備一員千總一員把總三員
外委一員額外六名兵五百一十六名合原駐共
七百二十四名共兵一千二百四十名均歸永綏
協中軍都司管理仍隸該副將統屬該協改隸花
園鎮統轄此永綏協添設官兵數目也

一保靖營向為鎮算鎮所屬該營離鎮算稍遠距永綏較近今應撥歸新設之花園鎮屬以便就近管理查該營原設遊擊一員中軍守備一員千總二員把總四員外委四員兵五百二十名不敷彈壓今擬將保靖營遊擊撥歸花園作為該鎮中軍遊擊另行改設叅將一員增添把總一員外委六員額外十名兵四百三十二名合原駐兵五百二十名共兵九百五十一名駐扎縣城令安各汛今擬於保靖縣城駐扎叅將一員中軍守備一員把總一員外委一員兵二百名又查附近之城東二月坡城南之叢樹坡城西南之龍頭山城西北之烟霞山並獅子橋鰲鰲溪集古岩板橋梯拉三岔河十處

向無汎地今擬於二月坡撥駐外委一員兵二十名又
於鼓樹坡撥駐外委一員兵二十名又於龍頭山撥駐
額外一名兵二十名又於烟霞山撥駐額外一名兵二
十名又於獅子橋撥駐千總一員額外一名兵五十名
又於鰲鰲溪撥駐把總一員兵四十名又於集古汎撥
駐外委一員兵三十名又於岩坡橋撥駐額外一名兵
二十名又於梯拉撥駐額外一名兵三十名又於三岔
河撥駐額外一名兵二十名以上各汎俱係擬請新添
又於古銅溪撥駐把總一員兵五十名又於保靖之新
寨撥駐外委一員兵三十名又於格者汎撥駐外委一
員兵二十名又於蓬乍汎撥駐把總一員兵五十名又

於魚塘撥駐額外一名兵二十名又於葫蘆寨撥駐千
總一員額外一名兵七十名又於積公汛撥駐把總一
員兵四十名又於大岩塘撥駐額外一名兵二十名又
於禹岩溪撥駐外委一員兵三十名又於里耶汛撥駐
外委一員兵三十名又於江口汛撥駐額外一名兵二
十名又於龍溪汛撥駐外委一員兵三十名以上各處
俱就原設汛地酌添官兵駐扎防守除向隸保靖營之
龍馬嘴舊溪河馬老乎舊戎昂崗扒木寨杉木樹白接
關已悉堯洞排番溪西落汛清水江桐油坪賓崗河十
六塘汛共計外委一員兵七十二名照舊安設毋庸更
動所有保靖營參將一員應隸花園鎮統轄再查保靖

所屬附近苗寨之沙峽已令略家峽不吾兩岔河兩
岔口格君汎阿稞空坪排大方汎塔晉汎中堪窮子寨
卡大議依蜡堵等一十五塘汎共計千總一員把總二
員外委二員兵一百八十八名俱係散漫零星孤懸苗
境應查和

奏定章程概行撤出歸於保靖營屬官兵額內分安移
駐合併聲明

以上保靖一營新舊營汎三十八處除原設官兵
撥安外定增添叅將一員把總一員外委六員額
外十名兵四百三十三名合原駐兵五百二十名
共兵九百五十二名均歸保靖營叅將管理改隸

花園鎮統轄此保靖議該叅將歸隸花園鎮統轄添
設官兵數目也